



WHO bimbang 700,000 lagi kematian akibat COVID-19 di Eropah

Oleh Nur Fitrah, November 23,2021
@ 10.00pm



Pengarah Serantau untuk WHO, Hans Kluge

COPENHAGEN: Eropah kekal 'dalam cengkaman kukuh' COVID-19' dan angka kematian di benua itu boleh mencecah 2.2 juta pada musim sejuk ini jika trend semasa berterusan, kata Pertubuhan Kesihatan Sedunia (WHO) hari ini.

Kira-kira 700,000 boleh mati dalam beberapa bulan akan datang, kata WHO, apabila kes menjalar di seluruh Eropah, mendorong beberapa negara untuk mengenakan semula sekatan yang ketat.


WHO menjangkakan 'tekanan tinggi atau melampau di unit rawatan rapi (ICU) di 49 daripada 53 negara antara sekarang dan 1 Mac 2022'.

"Kematian terkumpul yang dilaporkan diunjurkan mencecah lebih 2.2 juta menjelang musim bunga tahun depan," tambahnya, meningkat daripada 1.5 juta angka semasa.

COVID-19 adalah punca utama kematian di seluruh Eropah dan Asia Tengah, WHO melaporkan, memetik angka dari Institut Metrik dan Penilaian Kesihatan.

Peningkatan di Eropah dipacu oleh gabungan varian Delta yang sangat menular, perlindungan vaksin yang tidak mencukupi dan pelanggaran langkah seperti pemakaian pelitup muka dan penjarakan fizikal, katanya.

Menurut data WHO, kematian berkaitan COVID-19 meningkat minggu lalu kepada hampir 4,200 sehari, dua kali ganda daripada 2,100 kematian sehari pada akhir September.



'SOP pelitup muka berlandaskan sains, data'

Oleh Nur Fitrah - November 23,
2021 @ 8:24pm



Malaysia tak akan contohi negara Eropah yang tidak lagiwajibkan pemakaian pelitup muka di tempat awam - Khairy. - Foto NSTP/Mohd Fadli Hamzah

PUTRAJAYA: Pemakaian pelitup muka ketika berada di tempat khalayak ramai masih menjadi 'perisai' ampuh dalam menangani penularan COVID-19 walaupun ada beberapa negara di Eropah tidak lagi berbuat demikian, kata Menteri Kesihatan, Khairy Jamaluddin.

Katanya, Kementerian Kesihatan (KKM) tidak akan mencontohi negara berkenaan kerana SOP berkaitan pemakaian pelitup muka dan penjarakan fizikal adalah berlandaskan sains dan data.

"Pertubuhan Kesihatan Sedunia (WHO) mengatakan

Pergerakan komuniti sedunia (WHO) mengatakan Eropah adalah 'epicentre' kepada COVID-19. Negara seperti Jerman, Austria sedang mengalami gelombang yang sangat besar disebabkan masih ada yang tidak divaksinasi, tetapi ramai yang sudah ketepikan langkah pencegahan seperti pemakaian pelitup muka.

"Tengok di Eropah mereka dah tak pakai lagi. Ini langkah yang kita tidak akan ikutlah. Kita dapati pelitup muka ini satu perisai yang sangat penting dan berkesan sama dengan vaksinasi," katanya dalam temubual khas bersama BH dan NST, semalam.

Khairy berkata, antara kesan pelaksanaan Program Imunisasi COVID-19 Kebangsaan (PICK) ialah rakyat sudah mula beranggapan tidak perlu berasa risau dengan penularan wabak itu.

Bagaimanapun, beliau berkata, ia adalah pandangan yang tidak tepat kerana walaupun jumlah jangkitan COVID-19 negara masih pada paras yang sama dalam tempoh seminggu dua kebelakangan ini dan tidak meningkat mendadak, kadar kemasukan ke hospital sudah mula meningkat.

Mengakui KKM dan agensi penguat kuasa tak cukup

(kakitangan) untuk menguatkuasakan pematuhan SOP di setiap tempat, KKM sudah cadangkan kepada Kabinet untuk mewujudkan pemerkasaan masyarakat.

"Kita mungkin lantik beberapa pemimpin komuniti yang akan mengingatkan sesama mereka untuk mematuhi SOP seperti di kawasan pasar," katanya.

Austria menjadi negara Kesatuan Eropah (EU) pertama yang mengenakan perintah larangan pergerakan penuh pada musim luruh kali ini iaitu selama 20 hari bermula semalam.

Perintah itu antara lain hanya membolehkan penduduknya, tanpa mengira sama ada mereka sudah divaksinasi atau sebaliknya, keluar dari rumah untuk urusan penting saja dan perintah itu akan dilihat semula selepas 10 hari pertama seperti peruntukan undang-undang negara itu.

Sementara itu, Timbalan Menteri Kesihatan II, Datuk Aaron Ago Dagang, berkata tiada kes kematian dapat dikaitkan secara langsung dengan vaksin COVID-19 yang diberikan sepanjang tempoh pelaksanaan PICK bermula 24 Februari hingga 20 November lalu.

la hasil penilaian kasualti melalui bedah siasat, walaupun terdapat 535 laporan membabitkan kes kematian dalam kalangan penerima vaksin dalam tempoh itu.

"Semua kes yang dikategorikan sebagai serius termasuk kes kematian akan disiasat dengan menyeluruh dan terperinci oleh fasiliti kesihatan.

"Laporan penyiasatan ini kemudian diserahkan kepada Jawatankuasa Farmakovigilans Khas Vaksin COVID-19 (JFK) untuk penilaian kasualti atau hubungan kait antara kesan sampingan dan vaksin," katanya di Dewan Rakyat, semalam.

Aaron berkata sepanjang tempoh itu, sistem pelaporan Pusat Pemonitoran Kesan Advers Ubat Kebangsaan, Agensi Regulatori Farmasi Negara (NPRA) telah menerima 23,163 laporan kes advers susulan imunisasi vaksin iaitu 0.45 laporan bagi 1,000 dos yang diberikan.

Daripada jumlah itu, 93.3 peratus daripada laporan kes membabitkan kesan sampingan ringan dan sederhana seperti sakit di tempat suntikan, demam, pening dan keletihan.

Kajian buktikan dos penggalak selamat

Oleh Nur Fitrah - November 20, 2021 @ 11:53am



PUTRAJAYA: Orang ramai yang bimbang berlaku kejadian 'terlebih dos' apabila mengambil dos

penggalak atau dos ketiga vaksin COVID-19, perlu melihat kajian dan data tersedia mengenai keberkesanan vaksin berkenaan.

Dekan Fakulti Farmasi, Universiti Kebangsaan Malaysia (UKM), Dr Mohd Makmor Bakry, berkata orang awam perlu memahami ada dua kesan membabitkan pengambilan vaksin iaitu kesan sampingan yang biasa seperti sakit di tempat suntikan, demam atau kelesuan yang sepatutnya tidak menyebabkan maut, manakala kesan mudarat selalunya tidak dijangka dan sangat jarang berlaku.

Beliau berkata, kesan mudarat termasuk penerima vaksin mengalami alahan teruk yang boleh memburukkan keadaan selalunya berlaku dalam tempoh singkat iaitu antara 15 hingga 30 minit selepas suntikan diberikan.

"Daripada data dikutip, secara umum penggunaan vaksin sentiasa dipantau dan sebarang kesan mudarat akan dilihat dari semasa ke semasa.

"Berdasarkan data dikeluarkan Pusat Kawalan dan Pencegahan Penyakit (CDC), tidak ada beza antara kesan selepas mengambil dos pertama, kedua dan penggalak atau ketiga" katanya kepada BH

penggalak atau tidak, katanya kepada DTT, semalam.

Mengulas kes kematian mereka yang menerima dos penggalak termasuk dakwaan membabitkan seorang pegawai kanan Kementerian Kesihatan (KKM), Dr Mohd Makmor berkata, mangsa mengambil dos penggalak pada 9 November dan kematiannya berlaku lebih seminggu selepas itu.

Beliau berkata, jika cuba dikaitkan dengan pengambilan dos penggalak sekali pun, ia mungkin tipis kerana kebanyakan kesan mudarat berlaku dalam tempoh singkat selepas dos vaksin diterima dan meminta semua pihak menunggu hasil siasatan KKM mengenainya.

Ditanya keraguan sesetengah pihak mengenai hasil kajian di Chile dan Thailand yang menjadi asas kepada keputusan pemberian dos penggalak di negara ini, Dr Mohd Makmor berkata, kajian membabitkan dos penggalak dan dos ketiga dijalankan di beberapa tempat dan negara yang keputusannya hampir sama antara satu dengan lain.

Justeru, beliau berkata, hasil kajian itu boleh dipercayai, selain ia turut dinilai jawatankuasa khas

dalam Jawatankuasa Jaminan Akses Vaksin (JKJAV) serta Bahagian Regulatori Farmasi Negara (NPRA).

Selain itu, beliau berkata, anggapan masyarakat bahawa KKM sengaja atau 'suka-suka' memberi vaksin kepada orang ramai juga tidak berasas kerana pegawai dan kakitangan KKM sendiri mengambilnya serta menyarankan ahli keluarga mereka disuntik dengan vaksin.

Sementara itu, pensyarah di Kluster Infektomik, Institut Perubatan dan Pergigian Termaju Universiti Sains Malaysia (USM), Dr Kumitaa Theva Das, berkata ada beberapa kes dilaporkan di luar negara membabitkan individu menerima suntikan vaksin yang terlebih dan mereka hanya menunjukkan kesan sampingan sama dengan pemberian dos normal.

Selain itu, beliau berkata, tidak ada data menunjukkan seseorang boleh terlebih dos dengan vaksin, justeru dos penggalak tidak akan menyebabkan seseorang terlebih dos.

"Sebelum ini ada kebimbangan jika seseorang pernah dijangkiti sebelum ini, mereka mungkin boleh terlebih dos dengan vaksin dan mempunyai terlalu banyak

antibodi dalam tubuh.

"Ia tidak benar kerana imuniti yang terbina daripada jangkitan boleh berkurangan, jadi vaksin diperlukan untuk melindungi kita daripada jangkitan di masa depan terutama daripada varian Delta," katanya.

Mengulas sama ada dos penggalak atau dos ketiga diberikan itu bersesuaian, Dr Kumitaa berkata, pemberian dos vaksin berbeza keluaran (vaksinasi heterologous) sudah berlaku seawal Mac di beberapa negara dan penerima vaksin tertentu yang ditawarkan vaksin jenis lain untuk dos kedua membuktikan ia selamat, malah lebih melindungi penerimanya.

Beliau berkata, sejak itu, banyak kajian dijalankan untuk melihat keselamatan dan keberkesanan vaksinasi heterologous termasuk ketahanan terhadap varian Delta.

Katanya, antara negara menjalankan kajian itu adalah Sweden membabitkan lebih 10,000 penduduknya menerima vaksin AstraZeneca sebagai dos pertama dan dos kedua sama ada Pfizer atau Moderna.

"Kajian Sweden ini menunjukkan, berbanding individu tidak divaksinasi, mereka yang mendapat campuran

vaksin didapati 68 peratus kurang kemungkinan mengalami jangkitan simptomatik dan mereka yang menerima dua dos AstraZeneca 50 peratus kurang mendapat jangkitan sama.

"Satu kajian bebas di Denmark menunjukkan hasil hampir sama dengan Sweden. Ia menunjukkan campuran dua vaksin adalah selamat dan sangat melindungi," katanya.

Dr Kumitaa berkata, banyak negara termasuk Chile dan Thailand, turut menjalankan kajian pelbagai jenis vaksin untuk mencari perlindungan lebih baik terhadap jangkitan COVID-19 serta varian Delta dan imuniti yang berkurangan.

"Satu kajian dijalankan Institut Alergi dan Penyakit Berjangkit Kebangsaan di Amerika Syarikat (AS) yang mengkaji campuran vaksin COVID-19 terhadap beratus pesakit mendapati semua dos penggalak meningkatkan titer antibodi peneutral terhadap varian Delta, tidak kira apa jenis penggalak atau vaksin utama digunakan dan setakat ini, belum ada kebimbangan terhadap keselamatan dibangkitkan," katanya.

COVID 19 SELURUH DUNIA



TARIKH: 2 DISEMBER 2021

JUMLAH KES: 263,797,299

JUMLAH KEMATIAN: 5,242,985

KES AKTIF: 20,423,959

JUMLAH VAKSINANSI SELURUH DUNIA: 54.5%
DARI POPULASI DUNIA

Popular Post



**EMMA KINI BERBAHAGIA
BERSAMA SUAMI TERCINTA**





**HAALAND BECAME THE FIRST
TEENAGER TO SCORE IN FIVE
CONSECUTIVE UEFA CHAMPIONS
LEAGUE MATCHES DURING THE
19/20 SESSION.**





**HAIRUL AZREEN NAFI TAYANG
BADAN UNTUK LARISKAN FILEM
LAKONANNYA**



**FILEM PERTAMA HAIRUL AZREEN
"ADA HANTU"AKAN TERSEDIA DI**



**DIKABARKAN PUTUS, IQBAL
RAMADHAN UNFOLLOW DAN
HAPUS GAMBAR TEMAN WANITA**

Follow Me



Like us on facebook



Follow us on Twitter



Add us on Google Plus

More About Company

Buletin Sehariian diterbitkan pada tahun 2020. Matlamat utama penerbitan adalah bagi menyiarkan berita dengan lebih pantas dan mudah diakses oleh pengguna. Maklumat dan berita terkini semasa kini berada diujung jari.

Keep Connected



[Like us on facebook](#)



[Follow us on Twitter](#)



[Add us on Google Plus](#)

Contact Informatin



Kampung Pasir Putih Putatan,
88200, Kota Kinabalu,
Sabah



0111-412-7143



BuletinSeharian@gmail.com